

Na osnovu člana 16. stav 1. Zakona o Vladi Zeničko-dobojskog kantona - Prečišćeni tekst ("Službene novine Zeničko-dobojskog kantona", broj: 7/10) i člana 23. Zakona o dopunskim pravima branilaca i članova njihovih porodica („Službene novine Zeničko-dobojskog kantona“, broj: 1/14), na prijedlog Ministarstva za boračka pitanja, Vlada Zeničko-dobojskog kantona, na 129. sjednici, održanoj dana 18.01.2018.godine, d o n o s i

U R E D B U

O IZMJENAMA I DOPUNI UREDBE O PREDNOSTI U ŠKOLOVANJU BRANILACA I ČLANOVA NJIHOVIH PORODICA

Član 1.

(Izmjena člana 11. - Izuzeće)

U članu 11. Uredbe o prednosti u školovanju branilaca i članova njihovih porodica („Službene novine Zeničko-dobojskog kantona“, broj: 4/14), (u daljnjem tekstu: Uredba), u tački b) riječi „pravno ili fizičko lice“ zamjenjuju se riječima: „privredno društvo“.

Član 2.

(Dopuna i izmjena člana 15. – Potrebna dokumentacija)

- (1) U članu 15. Uredbe, iza tačke c) dodaju se nove tačke d) i e) koje glase:
- „d) ovjerenu kopiju Specifikacije za utvrđivanje dohotka od samostalne djelatnosti - obrazac SPR 1053 (koji se podnosi uz Godišnju poreznu prijavu/Godišnju prijavu dohotka) za prethodnu kalendarsku godinu;
 - e) ovjerenu izjavu o ukupnim prihodima domaćinstva;“.
- (2) Dosadašnje tačke d) i e) postaju tačke f) i g).

Član 3.

(Stupanje na snagu i objavljivanje Uredbe)

Uredba stupa na snagu danom donošenja, a ista će biti objavljena u „Službenim novinama Zeničko-dobojskog kantona“.

Broj: 02-02-988/18

Datum, 18.01.2018. godine

Z e n i c a

PREMIJER

Miralem Galijašević

DOSTAVLJENO:

1x Ministarstvo za boračka pitanja,

1x „Službene novine Zeničko-dobojskog kantona“,

1x a/a.

O B R A Z L O Ž E N J E

I. Zakonski osnov za donošenje Uredbe

Zakonski osnov za donošenje Uredbe o izmjenama i dopuni Uredbe o prednosti u školovanju branilaca i članova njihovih porodica, sadržan je u članu 16. stav 1. Zakona o Vladi Zeničko-dobojskog kantona, te članovima 20.-22. Zakona o dopunskim pravima branilaca i članova njihovih porodica.

II. Razlozi za donošenje Uredbe i obrazloženje pojedinih rješenja

Uredba o prednosti u školovanju branilaca i članova njihovih porodica donesena je na osnovu članova 20.-22.. Zakona o dopunskim pravima branilaca i članova njihovih porodica ("Službene novine Zeničko-dobojskog kantona" broj 1/14). Uredbu je donijela Vlada Zeničko-dobojskog kantona a objavljena je u "Službenim novinama Zeničko-dobojskog kantona" broj 4/14.

Intencija odredbe člana 11. tačka b) Uredbe je bila omogućiti apliciranje za dodjelu novčane pomoći za nabavku udžbenika učenicima iz porodica skromnijeg imovinskog stanja.

U cilju zapošljavanja branilaca i članova njihovih porodica koji su na evidenciji Službe za zapošljavanje Kantona, Ministarstvo za boračka pitanja planira, izdvaja i dodjeljuje posebna novčana sredstva u skladu sa Uredbom o dodjeli kredita za zapošljavanje branilaca i članova njihovih porodica, te već treću godinu zaredom - na osnovu Programa podsticaja samozapošljavanja pripadnika branilačke populacije Zeničko-dobojskog kantona, kojeg na prijedlog Ministarstva donosi Vlada Kantona po usvajanju Programa utroška sredstava Ministarstva za tekuću budžetsku godinu. Po osnovu dodijeljenih sredstava u ovu svrhu izvršeno je zapošljavanje odnosno skidanje s evidencije nezaposlenih lica većeg broja branilaca i članova njihovih porodica i time omogućena pomoć u rješavanju egzistencijalnih pitanja njihovih porodica.

Imajući u vidu da odredbe člana 11. sadašnjeg teksta Uredbe praktički onemogućavaju da se djeci čiji je roditelj ili član porodičnog domaćinstva korisnik naprijed naznačenih sredstava dodijeli pomoć za nabavku udžbenika za školovanje u osnovnoj/srednjoj školi, Ministarstvo je u obavljenoj konsultaciji sa kantonalnim branilačkim udruženjima odnosno po pribavljanju njihovog pozitivnog stava u tom smislu, odlučilo predložiti izmjenu Uredbe kojima bi se omogućila dodjela pomoći i ovoj djeci.

Član 1. Uredbe predviđa izmjenu člana 11. osnovne Uredbe tako što se ograničenje za apliciranje za dodjelu sredstava pomoći ubuduće odnosi samo na vlasništvo/suvlaštvo registrovanog privrednog društva. Član 2. predviđa izmjenu i dopunu člana 15. osnovne Uredbe jer se pored dosadašnje dokumentacije od kandidata za dodjelu sredstava pomoći zahtijeva i dostava obrasca SPR 1053 koji se podnosi Poreznoj upravi uz obrasce 1051 i/ili 1052. Također se zahtijeva i ovjerena izjava o ukupnim prihodima domaćinstva, a koji često znatno premašuju podatke o plaći i drugim prihodima traženim dosadašnjom dokumentacijom. Intencija ovog člana je uvid u realno imovinsko stanje kandidata a u cilju dodjele pomoći kandidatima sa većim stepenom potrebe u tom smislu.

Sa tekstom Uredbe upoznata su kantonalna branilačka udruženja, koja su na zajedničkom sastanku u kabinetu ministra Ministarstva održanom 28.12.2017.g. jednoglasno podržala predložene izmjene.

Izrada teksta Uredbe je izvršena u skladu sa Jedinstvenim pravilima za izradu pravnih propisa u Zeničko-dobojskom kantonu ("Sl.novine ZDK" broj 5/08). Na tekst Uredbe zatraženo je mišljenje Sekretarijata za zakonodavstvo, Ministarstva finansija i Ministarstva za pravosuđe i upravu, koji u svojim odgovorima nisu istakli primjedbe na isti.

III. Finansijska sredstva potrebna za provedbu Uredbe

Finansijska sredstva za provedbu ove Uredbe osiguravaju se svake godine u Budžetu Kantona na budžetskoj stavci Ministarstva za boračka pitanja, razdjel 24, budžetska organizacija 01, potrošačka jedinica 0001, ekonomski kod 614200, subanalitika OAD 220 "Pomoć za nabavku udžbenika za redovno obrazovanje". Za provođenje ove Uredbe nije potrebno osiguravanje dodatnih budžetskih sredstava, imajući u vidu da se sredstva dodjelju kandidatima sa liste prvenstva do visine opredijeljenih budžetskih sredstava za ovu svrhu.

MINISTAR
Fahrudin Čolaković